

Rudy Croes lo a bolbe for di gira den exterior

Marisol y Rudy mester presenta den Parlamento

* Proyectonan Caya Grandi y Bingo Hal mester worde discuti

* Monica na Argentina y Rudy Lampe na Mexico

ORANJESTAD (AAN) - Promer cu e proyecto Caya Grandi por sigui y cualquier inversionista por hinca nan placa den e proyecto, e mester bay Parlamento, cu na e momentonan aki ta cu vacacion. E permisionan cu Rudy Croes a duna pa bingo hal y loke Marisol en principio a acorda cu e grupo encabeza pa Raoul, no tin validez sin cu Parlamento duna aprobacion. Mientras awor mas comerciante di Caya Grandi ta worde acerca, segun informacion di DIARIO, e traspaso di e caya loke e proyecto ta encera realmente mester worde atendi den Parlamento door di Marisol Lopez Tromp.

Parlamento ta bay hunga e papel principal den e proyectonan Caya Grandi y Bingohallen, manera informacionnan cu DIARIO a ricibi durante su investigacionnan ta muestra.

Pa Parlamento reuni, e Presidente di Parlamento mester yama un reunion, kibra vacacion di Parlamento, loke no ta algo inusual ora ta trata di casonan di peso, manera esun actual.

DIARIO por a comprende cu mientrastanto Rudy Croes, kende a priminti per-

miso pa Bingohallen y cambio di e Ley cu ta regla wega di placa sin cu ni e organonan oficial ni Parlamento ainda a duna ningun opinion, mester bay duna cuenta y razon na Parlamento directamente.

Mientras Parlamento no duna su aprobacion pa e plan basico aki, no por continua y Marisol Lopez Tromp mester pone e grupo di Raoul na haltura cu tur cos ta depende di Parlamento, cu por pone punto final tras di e plannan pa entrega Caya Grandi na e grupo comercial.

E papel di Marisol Lopez Tromp den e caso di Caya Grandi ta bao investigacion total di DIARIO, ya cu tin indicacion cu ta sumamento bon contacto tabata tin entre Marisol y Raoul, cu a bay

asina leo como comerciante pa gasta placa na inversionnan pa prepara pa su proyecto.

Mientras Parlamento no para loke ta pasa, mas comerciante cu ta worde acerca na e momentonan aki, segun informacion di DIARIO, por kere cu ta algo sigur nan ta drenta, mientras ta Parlamento mester bay di acuerdo cu e kiebra di reglanan cu e plannan ta contene.

Te awor ta opinion di e fraccion di AVP den Parlamento so ta conoci. MEP ta den silencio total y ta laga e pelea na Raoul, creando e impresion cu ta Raoul tin e poder total, mientras e no por a haci nada si e no tabata tin un entendimiento cu Ministro Marisol Lopez Tromp.

Pa loke ta trata RED por comprende cu na e momentonan aki Rudy Lampe lo ta na Mexico mientras ta parce cu obesidad a hiba Monica Kock te Argentina.

DIARIO ta den un investigacion grandi. Ayera a presencia e union entre cierto

personanan cu tabata den un auto preto grandi y a base di informacionnan mas exacto cu DIARIO ta buscando lo bini cu mas di e caso aki, cu Parlamento mester discuti promer cu siquiera por sigui papia, manera informantenan a indica.

Tragedia aereo na Brazil

ORANJESTAD (AAN): Ayeratardi, un Airbus 320 di e aerolinea TAM cu 176 ocupante a pega candela ora di a dal contra di un edificio cerca di e aeropuerto di Congonhas, den pleno zona urbano di Sao Paulo. E tragedia aki lo a laga un promedio di 200 victima, segun e balance haci pa un

bombero local. E vuelo lo a sali for di Porto Alegre y mester a haci un aterizahe forzoso despues di a slip ariba un pista muha debi na yobida. E aeronave no a logra brake na tempo y a sali for di e aeropuerto, cruza un caya cercano y dal contra un local di Tam Express. E avion a desaparece den e edificio unda a explota.

E GUYNAN HOT!!



BEST DEAL

Tel: 5827100

(Pariba di Aruba Bank, Paradera)

Dishwasher DOVE 4 pa Afl. 10,-
Pine House Cleaner 68oz 3 pa Afl. 10,-
Lemon Fresh 5 pa Afl. 10,-
House Cleaner Awesome 3 pa Afl. 5,-



Dawn Ultra
3 pa
Afl. 10,-

Ariel Laundry
Detergent
2 pa
Afl. 5,-



Prijs mas abou no tin.
BEST DEAL Paradera.